



Inatsisartuni ilaasortaq Agathe Fontain, Inuit Ataqtigiit  
/-maani

## Kalaallit Peqqissartut Illuat Københavniittoq pillugu § 37-itut apeqquteqaammut akissuteqaat

Asasara Agathe Fontain.

Qujanaq Kalaallit Peqqissartut Illuat Københavniittoq pillugu apeqquteqaateqarninnut.  
Apeqquteqaatinnut akissuteqaatit matuma kinguliani akissuteqarfigneqarput.

**1. Imm. 115 aappassaaneerneranni Peqqissutsimut naalakkersuisoq siunnersuut  
akuerineqarpat 18 mio. kr-nik naleqassasoq oqaluttarfimmiit oqarpoq.  
Naatsorsuinerimi aningaasartuutit immikoortitaarlugit suuppat?**

### Akissuteqaat

Naatsorsuinerimi aningaasartuutit ilanngunneqartut tassaapput:

- Nerisaqarneq / ineqarneq
- Angalanermut aningaasartuutit
- Allaffissornermut immikkut aningaasartuutit, aaqqissuussinerup kingunerisaanik oqalutsi il. il.

Siunnersuutip aappassaaneerneqarnerani soorlu aammattaaq oqaatigigiga  
ajornakusoorpoq piffissap taamak sivikitsigisup ingerlanerani tamakkiisunik  
naammattunillu naatsorsuinerimi tunngavissanik pissarsiaqarnissaq.

Taamaattorli pisortat aningaasaataat ataatsimut naatsorsorlugit nalilerneqarpoq  
aningaasalersuinissamut immaqqa 18 mio. koruunit angullugit pisariaqartinneqassasut.  
Kisitsisit najugaqarnermut (nerisat inigisarlu) aningaasartuutit 10 mio. Koruuninut  
missingersuutigineqarput, aningaasartuutit allanut 1,8 mio. Koruuninut  
missingersuutigineqarput kiisalu angalanermut aningaasartuutit 6,5 mio. Koruuninut  
missingersuutigineqarput.

Immikkoortoq 115-imut atatillugu oqaatigineqareersutut missingiut ataasiinnaq  
suliarineqarpoq, tassa qanoq akeqassanersoq napparsimasut  
toqussutigisinnaasaminnik nappaateqartut *ataatsimik* ingiallorteqarnissamut  
neqeroorfigneqassappata, tassa Kalaallit Napparsimasut Illuanni Københavniitillugit.

Immikkoortup 115-ip oqaluuserineqarneranut atatillugu missingiutit saqqummiunneqartut  
piffissap sivikitsuinnaap ingerlanerani suliarineqarput. Taamaattumik pisariaqarsimavoq  
piumasaqaatinik arlaqartunik ilangussaqarnissaq. Piumasaqaatit taakku matuma  
kinguliani nassuiaassutigineqarput:

02-12-2015  
Sags nr.2015-12120  
Akt nr. 1703501

Postboks 1160  
Tlf: 34 50 00  
Fax: 34 55 05  
3900 Nuuk  
Email: pn@nanoq.gl  
www.naalakkersuisut.gl

- a) Nappaatip tassanngaannartup inuunermik navianartorsiorititsisup paasineqarnera
- b) Ullunik unnuanillu naatsorsuineq aamma tassanngaannartumik passussinerit
- c) Uninnganerup sivilissusia
- d) Kalaallit Peqqissartut Illuanni aamma hotelimi najugaqarneq
- e) Allaffissorneq
- f) Oqalutseqarneq
- g) Aningaasartuutit allat tamakkununga attuumassuteqarsinnaasut naatsorsuinermit ilanngunneqartut

a) *Nappaatip tassanngaannartup inuunermik navianartorsiorititsisup paasineqarnera*  
Tassanngaannartumik inuunermik navianartorsiorlutik napparsimalersut paasineqarnera tassaavoq timmisartumik ambulancemik nunami maanngaanniit *aallarunneqartut*. Taakku matumani naatsorsuinermit ilanngunneqanngillat tassa ullumikkut inatsisitigut tunngavissaqareeremat taakku ingiallorteqartinnissaat. Aggvaqatigiissitsilluni napparsimasut taamaattut ukiumut 30-t missaanniittarput. Ilanggullugit ilaatinneqanngillat meeqqat 18-it inorlugit ukioqartut, tassa meeqqat 18-it inorlugit ukioqartut maleruaqqusat atuuttut tunngavigalugit ingiallorteqarnissaminut pisinnaatitaaffeqarmata.

*Nappaat inuunermik navianartorsiorititsisup imatut paasineqarpoq:*

- Napparsimasut nappaassuarmik kræftimik nappaateqartut
- Napparsimasut uummatimikkut ajoquteqartut

Pingaarteqarpoq erseqqissaatigissallugu aammattaaq soorunalimi allat inuunermik navianartorsioritinnerlutik nappaateqartut ilanngunneqarsinnaammata, soorlu assersuutigalugit puammikkut nappaateqartut, tartumikkut nappaateqartut allallu. Taakku missinginermit ilanngunneqanngillat.

b) *Ullunik unnuanillu naatsorsuineq aamma tassanngaannartumik passussinerit*  
Matuma siuliani *Nappaatinik inuunermik navianartorsiorititsisunik paasinnineq* tunngavigalugu ullorsiuutini qaammatit ullui tunngavigalugit anillatsitsisoqarpoq kalaallit napparsimasut Rigshospitalimi 2014 uninngasimasunut tunngasumik, nappaatigisaattut paasineqartut aamma qanoq nakorsarneqarnerannut agguarlugit, kiisalu tamanna tunngavigalugu missingersorneqarput ulloq unnuarluk aamma tassanngaannartumik suliaritinnerit missingersorneqarput, tassani pineqarlutik nappaatinik inuunermik navianartorsiorititsisunik suliarinninnerit.

Peqqinnissaqarfik taamaallaat Rigshospitalimi napparsimasut qarasaasiami allattorsimaffiannut takunnissinnaatitaavoq.

Region Hovedstadenimi napparsimavinni allani arlaqartuni aammattaaq nappaatit nappaassuarmut kræftimut tunngassuteqartut passunneqartarput. Taamaattumik napparsimasut aamma taakkut (amerlassusiat missingerlugit) ullunik unnuanillu naatsorsuinermit kiisalu tassanngaannartumik passussinermut ilanngunneqarput.

Tamatuma kingunerisaanik nappaatinut inuunermik navianartorsiorititsisunut tunngatillugu 2014-imi missingersorneqarput ullut unnuallu 2.835 (ullut siniffinnik atuinerit) atornerqarsimasut aamma tassanngaannartumik passussinerit 5.631-t suliarineqarsimasut.

*c) Uninnganerup sivilissusia*

Nappaatigisatut paasineqartut ataasiakkaarlugit Danmarkimi passutsinnerit qanoq sivilutigenera annertuumik assigiinngissuteqarput. Taamaattumik naatsorsuinermit matumani aallaavineqarpoq napparsimasoq ullormut ataasiarluni passuneqartartoq kiisalu napparsimasoq sivikinnerpaamik sapaatit akunnerisa naaneri marluk ilanngullugit Danmarkimiittartoq.

Agguaqatigiissitsilluni imaappoq napparsimasoq ataaseq ullut 25-it missaanni Danmarkimiittartoq.

Tamatumunnga atatillugu malugineqassaaq soorlu assersuutigalugu nappaassuarmik kræftimik nappaateqarlutik napparsimasut agguaqatigiissitsilluni qaammatini pingasuni Danmarkimiittarnerat.

*d) Kalaallit Peqqissartut Illuanni aamma hotelini najugaqarneq*

Kalaallit Peqqissartut Illuata ineqartitsisinnaassuseqarnera maannakkorpiaq tamakkivilluni atornerarpoq, tamanna imatut paasineqassaaq amerliartortitsilluni ineqartitsisinnaanermut pisariaqartitat matussuserneqarnissaat inissaqartinneqanngitsoq.

Tamatuma kingunerisimavaa Peqqissartut Illuat 2013-imi aamma 2014-imi napparsimasunik avataani hotelini ineqartitsisariaqarsimanera. Taamatuttaaq napparsimasut arlaqartut Danmarkimi passutinnerminni toqqartarpaat namminneq privatimi najugaqarnissartik.

Soorlu matuma siuliani takuneqarsinnaasooq Peqqissartut Illuanni ineqartitsisinnaasuseq tamakkerluni atornerarpoq. Napparsimasut Peqqissartut Illuanni najugaqartussatut salliutinneqartussaapput maannakkullu ineqartitsisinnaassuseqarneq tunngavigalugu ingjallortaasunut amerlanerusunut inissaqartitsisinnaaneq neqeroorutigineqarsinnaanngilaq. Tamanna tunngavigalugu naatsorsuusiordermi ilimagineqarpoq ulloq unnuarlu uninngallutik napparsimasunut ingjallortaasut hotelimi ineqartinneqarnissaat.

Ingjallortaasunut Peqqissartut Illuanni napparsimasunik ineqateqarlutik ineqartunut, Peqqinnissaqarfiup ullormut unnuamullu aningaasartuutai 1.000 koruunit missaattut naatsorsorneqarput. Aningaasat taakku amerlassusiat, maannakkut qanigisanut akiliisartunut akileqquneqartartunit, amerlanerupput.

*e) Allaffissorneq*

Ingjallorteqartarnermut aqqissuussineq allaffissordermut immikkut aningaasartuutiniq /sulisoqarnissamik kinguneqartussaavoq. Ilaatigut billetsiniq inniminniinnermut, hoteliniq inniminniinnermut, qanigisanik ulluinnarni nalinginnaasumik ikiuisarnermut soorlu ingerlanneqartarnermut, napparsimasumut tunngatillugu apeqqutinut allanullu. Taakkununnga ilanngunneqassaaq inunnik isumaginnermut sulisumut sulinngikkallarnermi annaasaqaatinut tunngatillugu apeqqutinut, meeqqanik paarsinnermut, atuarnermut meeqqat allanullu tunngatillugu ikiuisussamat.

*f) Oqalutseqarneq*

Naatsorsuutigineqarpoq napparsimasunut qanigisat ilagineqarneranni oqalutsit annertunerusumik suliaqartalernissaat. Tamatumunnga pissutaavoq napparsimavinni sulisunut peqqissutsimut tunngasunik suliaqartunut pissusissamisoorumik apeqquteqaatigineqartartut amerliinerussammata, ataatsimiinnerni allanullu peqataanerit amerlissammata.

Naggasiullugu oqaatigissavara napparsimasut inuunerminnik navianartorsiortitsisumik nappaateqartut Nuummi Dronning Ingridip Napparsimavissuani imaluunniit Kalaallit Nunaanni namminermi allani suliarititussanut tunngatillugu nalilersuisoqarsimangimmat taamatuttaarlu naatsorsuisoqarsimangimmat assingusumik neqerooruteqarsinnaanermut tunngatillugu.

## **2. Ukiuni 2012-2013-2014-milu ineqarnermut nerisaqarnermullu Kalaallit Peqqissartut illuata isertitai ukiukkaarlutik qanoq amerlatigippat**

### **Akissuteqaat**

- 2012 903.799 kr.
- 2013 1.118.242 kr.
- 2014 1.265.373 kr.

Kisitsisit piffissami pineqartuni kisitsisinit piviusunit pissarsiarineqarput (naatsorsuutinit kisitsisit). Isertitat qanigisaneersuupput akeqanngitsumik ineqartinneqarsinnaanngitsunit. Aaqqissuussineq annertusineqarpat imaalillugu inuunerminnik navianartorsiortitsisumik nappaateqarlutik napparsimasunut ingiallortaasut ineqarnerminnut akiliunneqartalerlutik, taava isertitat ikilissapput imaluunniit nunguillutik.

## **3. 2012-2013-2014 ukiukkaarlugit ineqarnermut nerisaqarnermullu akiliisimasut, napparsimasunut qassinut agguaqqapat? Tassa napparsimasut qassit, nammineq ineqarnerminnut nerisaqarnerminnullu akiliillutik najorneqarpat?**

### **Akissuteqaat**

Napparsimasut qanoq amerlatigisut qanigisaminnik ingiaqateqartarnerannut tunngasut kisitsisaatigineqanngillat. Tassa imaappoq akiligassiissutinik misissuineq aamma naatsorsuineq tunngavigalugit maannakkut aaqqissuussineq tunngavigalugu naatsorsuutigineqartoq napparsimasut 100-120 missaanniittut, qanigisaminnik akiuteqartunit ingiaqateqartartut tassa Københavnimi Kalaallit Peqqissartut Illuanni najugaqartartunik.

Napparsimasunut qanigisaasut akiliuteqartartut amerlasuut namminneq privatimik najugaqarnissartik toqqartarpaat. Taakku qanoq amerlatiginerat ilisimaneqanngilaq taamatuttaaq naatsorsorneqarsinnaanngilaq ullut unnuallu qassit Danmarkimiittarnersut. Naatsorsuutigineqassaaq taakku pineqartut amerlanerusut siunissami Peqqissartut Illuanni /hotelimi najugaqartarnissartik toqqartassagaat, tamanna imminnut aningaasartuutaasussaaajunnaarpat.

Inussiarnersumik inuulluaqqusillunga  
Med venlig hilsen

  
Doris Jakobsen